

Esp. Zkia.- KE-2024-025

E.E.- 2024-00341

#### 401/2024 ALKATETZA DEKRETUA:

Larrabetzuko Udaletxean, 2024ko irailaren 23an.

OINARRIA: 2024ko otsailaren 6an BAOean 2024 ekitaldirako Larrabetzuko Udal Aurrekontu Orokorren behin betiko onarpena argitaratu egin zen. Aurrekontu Orokorri 03/2024 Aurrekontu Aldaketaren bitartez (bagilaren 18ko, 300/2024 Alkatetza Dekretuaren bitartez onetsitakoa), Larrabetzuko Auzokideak deituriko elkartearen, G-44924108 IFK zenbakidunaren, aldeko diru-laguntza zuzen nominatibo bat jasotzen da aurrekontuaren aurrekontu partida konkretuan (330-48101). Hori horrela elkarteak 2024ko bagilaren 20an udal sarrera erregistroan E2024022171 inskripzio zenbakiarekin dirulaguntzaren eskaria aurkeztu zuen.

OINARRIA: 2024ko irailaren 23ko datarekin udal kontu-hartzaitzak txostena egin zuen.

OINARRIA: Honako honeetan xedatutakoa: Diru-laguntzen 38/2003 Lege orokorraren 22.2.a) artikuluan, 887/2006 Errege Dekretuak onetsitako Diru-laguntzen Araudi Orokorren 65. Artikuluan.

Honen bidez, Tokiko Araubidearen Oinarriak arautzen dauzan apirilaren 2ko 7/1985 Legearen 21. artikuluan ezarritakoaren arabera, HAU EBATZI DOT:

LEHENENGOA.- Larrabetzuko Auzokideak elkarteari (IFK: G-44924108); 800,00 euroko diru-laguntzea emongo jako, 330-48101 aurrekontuaren aurrekontu-partidea zordunduta. Dirulaguntza ematen da honako helburu hauek sustatzeko:

- Energia berriztagarrien komunitatea sustatzeko:
  - Sentsibilizazio kanpaina egin.
  - Hitzaldiak antolatu.
- Larrabetzuko proiektua aurrera ateratzeko, lore-lehiaketa antolatuz.
- Larrialdi-plana sustatzeko.

Guzti hori Elkarteak aurkeztutako proiektuan jasotzen denari jarrituz. Onuradunak jaso duen dirua diru-laguntzaren xedea betetzeak dakartzan gastuak ordaintzeko erabiliko du; ez beste ezein helbururako.

BIGARRENA.- Diru-laguntza 800,00 euro da, eta udalak emango du, oso-osorik 330-48101 aurrekontu-partidaren kontura. Ebazpen honen bitartez, diru-laguntzaren %100 ordaindu egingo da aurreiazko ordainketa bezala. Zenbateko horrek elkarteak aurreikusitako jardueren %80 finantzatzen du.

HIRUGARRENA. Diru-laguntza bateragarria da berorren xedea betetzeko onuradunak lor zezakeen besteren batekin.

LAUGARRENA.- Hitzarmen honen xedea betetzeko jarduerak 2024 urtean zehar gauzatu behar dira, honen betearazpenerako azkeneko eguna 2024ko abenduaren 31a izanik.

BOSGARRENA.- Diru-laguntza justifikatzeko epe-muga 2025eko zezeilaren 28a da, hori barne. Justifikazioa Dirulaguntzei buruzko zehazketaren 17ko 38/2003 Legearen 30. artikulua jasotzen duenari jarraituz egin beharko da. Justifikatzeko, honako dokumentazioa aurkeztu behar da:

- Urteko jardueren gaineko deskripzio-memoria. Memoria honek, jarduera nagusien gaineko material grafikoa jaso beharko du. Egindako jardueren gaineko deskripzio-memoria horri jasotako jarduera ezberdinetako dokumentazio-justifikagarria (kartelak, ekitaldi programak etab...) gehituko zaio.
- Elkarrearen urteko diru-sarrera eta gastu balantzea.
- Balantzean jasotako diru-sarreraren gaineko zerrenda zehaztua.
- Balantzean jasotako gastuen gaineko zerrenda zehaztua, memorian adierazitako jarduera ezberdinekin harremana duten gastuak.
- Aurkeztutako gastu-zerrenda justifikatzen duten faktura eta ordainagiriak. Gastuen akreditazioa gauzatuko da fakturen bitartez eta froga izaera duten eta trafikoko juridiko-merkantileko edo administrazio-eragingarritasuna duten bestelako dokumentuen bitartez.
- Ogasunarekin eta Gizarte Segurantzarekin betebeharretan eguneraturik egotearen ziurtagiriak, Larrabetzuko Udalak hori konprobatzeko baimenik emon ezean. Baimenik ez bada eman nahi hori beren-beregi adierazi beharko da justifikazioarekin batera.
- Beste Administrazio Publikoetatik diru-laguntza batzuk jaso izanaren edo jaso ez izanaren inguruko erantzukizunpeko adierazpena.
- Ezarritako helburuak bete izan direnaren erantzukizunpeko adierazpena.

Justifikazio-kontua honi erantsitako aurrekontuan aurreikusitako zenbatekoa betetzen ez duenean, diru-laguntzaren zenbatekoa proportzio berdinean gutxitu egingo da. Hau horrela justifikatzen den %80a finantzatuko da bakar bakarrik eta inoiz ere ez aurrekontu partidan zehazten den zenbatekoa baino gehiago. Kasu hori ematen denean derrigorrezko diru-bueltatze prozedura hasiko da.

SEIGARRENA.- Hitzarmen honetan ezartzen diren betebeharrak ez betetzea diru-laguntzaren diru-bueltatze prozedura gauzatuko du eta dagozkion zehapenak jartzea eragingo du, DDLan xedatzen duenari jarraituz.

ZAZPIGARRENA.- Udal diruzaintzari ebazpen honen berri eman, beharrezkoak diren ordainketak egiteko eta beharrezkoak dituen ondorioak sortu ditzan.

ZORTZIGARRENA.- Ebazpen hau prozeduran interesdun diren guztiei jakinaraziko zaie.

BEDERATZIGARRENA.- Ebazpen honen barri emongo da Udalbatzeak egingo dauen hurrengo bilkuran.

Amaia Lekue Mezo  
Alkatea

Nire aurrean,  
Idazkaria